

მომსახურების შესყიდვის
ხელშეკრულება №08

ქ. გორი

31 ივნისი 2013 წელი

ერთის მხრივ, სსიპ გორის მუნიციპალიტეტის სოფელ ოთარშენის საჯარო სკოლის (შემდგომში - „შემსყიდველი“) წარმომადგენელი მისი დირექტორის მ/შ გრიგოლ მუმლაძის სახით, მეორე მხრივ, არქიტექტურული სტუდია ინდ. მეწარმე ქეთევან დიმიტრიადი წარმომადგენელი ქეთევან დიმიტრიადის სახით (შემდგომში-შემსრულებელი) ვდებთ წინამდებარე ხელშეკრულებას.

მუხლი 1. ტერმინთა განმარტებები

- 1.1 ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტითურთ.
- 1.2 შემსყიდველი-ორგანიზაცია, რომელიც ახორციელებს შესყიდვას.
- 1.3 ხელშეკრულების ღირებულება-საერთო თანხა რომელიც უნდა გადაიხადოს დამკვეთმა შემსრულებლის მიერ ხელშეკრულებით ნაკისრი ვალდებულების სრული და ჯეროვანი შესრულებისათვის.
- 1.4 დღე, კვირა, თვე-კალენდარული დღე, კვირა, თვე.
- 1.5 ფორსმაჟორი- მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისაგან დამოუკიდებლად და ატარებს წინასწარ გაუთვალისწინებელ ხასიათს, კერძოდ, მიწის ძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოებები, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

მუხლი 2 ხელშეკრულების საგანი

ხელშეკრულების საგანია სსიპ გორის მუნიციპალიტეტის სოფელ ოთარშენის საჯარო სკოლაში ჩასატარებელი სარემონტო სამუშაოების ხარჯთაღრიცხვის დოკუმენტაციის შედგენა (ხარჯთაღრიცხვა და დეფექტური აქტი) (CPV-71244000) ამ ხელშეკრულებით გათვალისწინებული ანაზღაურების სანაცვლოდ.

მუხლი 3. ხელშეკრულების საგანის ღირებულება

შესრულებული სამუშაოს საერთო ღირებულება შეადგენს 75 (სამოცდათხუთმეტი) ლარს და მოიცავს სამუშაოს შესრულებასთან დაკავშირებულ ანაზღაურებას საქართველოს კანონმდებლობით გათვალისწინებული ყველა სახის გადასახადისა და მოსაკრებლის ჩათვლით.

მუხლი 4. მიღება-ჩაბარება და ანგარიშსწორება

- 4.1 შესრულებული სამუშაო ან მისი ნაწილი ჩაითვლება მიღებულად მხოლოდ მიღება ჩაბარების აქტის შედგენის შემდეგ.
- 4.2 მიმწოდებელთან ანგარიშსწორება ხდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე.
- 4.3 ანგარიშსწორება განხორციელდება შესრულებული სამუშაოს შესახებ მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

მუხლი 5. სამუშაოს შესრულების ადგილი და ვადა

- 5.1 სამუშაოს შესრულების ადგილია შემსყიდველის ადგილსამყოფელი- გორი, პუშკინის ქ. №39
- 5.2 სამუშაო უნდა შესრულდეს ხელშეკრულების დადებიდან არაუგვიანეს 10 (ათი) კალენდარული დღის განმავლობაში.

მუხლი 6. მხარეთა უფლება-მოვალეობანი

6.1 შემსყიდველი უფლებამოსილია

- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- ბ) გამოითხოვოს მიმწოდებლისაგან ხელშეკრულების პირობების შესრულებასთან დაკავშირებული დოკუმენტები;
- გ) ამ მუხლის 6.3 პუნქტის „გ“ ქვეპუნქტით გათვალისწინებული ვალდებულებების შეუსრულების შემთხვევაში თვითონ მიიღოს ზომები წარმოდგენილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის ხელშეკრულების მიხედვით გადასახდელი თანხიდან.

- 6.2 შემსყიდველი უფლებამოსილია მოსთხოვოს შემსრულებელს შესრულებული სამუშაოს ღირებულების ანაზღაურება ხელშეკრულებით გათვალისწინებული ვადების და პირობების დაცვით.

6.3 მიმწოდებელი ვალდებულია

- ა) ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით დაკისრებული ვალდებულებები;
- ბ) უზრუნველყოს სამუშაოთა მაღალი ხარისხის შესრულება;
- გ) სამუშაოების შესრულების პროცესში შეტყობინების მიღებისთანავე უზრუნველყოს უხარისხოდ შესრულებული სამუშაოს ან მისი ნაწილის გამოსწორება დამკვეთის მხრიდან რაიმე დამატებითი ხარჯის გაწევის გარეშე;
- დ) უზრუნველყოს სამუშაოების შესარულებლად აუცილებელი მასალების, აღჭურვილობისა და მექანიზმების მიწოდება საკუთარი შესაძლებლობებითა და რესურსებით;
- ვ) დაიცვას უსაფრთხოებისა და გარემოს დაცვითი ნორმები;

6.4 მიმწოდებელი უფლებამოსილია მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოს ღირებულების ანაზღაურება.

6.5 ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება შემსრულებლის საქართველოს კანონმდებლობით დადგენილი წესით.

მუხლი 7. პირგასამტებლო

ხელშეკრულებით ნაკისრი ვალდებულებების შეუსრულების შემთხვევაში, მხარეს დაეკისრება პირგასამტებლო ხელშეკრულების საერთო ღირებულების 0.1 % ოდენობით, ხოლო ვალდებულების ნაწილის შეუსრულებლობის შემთხვევაში - ვალდებულების შეუსრულებელი ნაწილის 0.1% -ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში მხარეს დაეკისრება პირგასამტებლო ყოველ გადაცილებულ დღეზე შეუსრულებელი ნაწილის 0.1% -ის ოდენობით.

მუხლი 8. გარანტია

8.1 შემსრულებელი იძლევა გარანტიას, რომ შესრულებული სამუშაო იქნება ხარისხიანი და დადგენილი სტანდარტების შესაბამისი.

8.2 საგარანტიო ვადა შეადგენს 5 თვეს, რომლის განმავლობაში მიმწოდებელი ვალდებულია საკუთარი ხარჯებით უზრუნველყოს ხარვეზების ამოფხვრა, რაც დაკავშირებულია შესრულებული სამუშაოს ხარისხთან.

8.3 საგარანტიო ვადაში წარმოქმნილი ხარვეზი უნდა გასწორდეს შემსყიდველის შეტყობინებიდან გონივრულ ვადაში, მაგრამ არაუგვიანეს 3 დღისა.

8.4 შემსრულებლის მიერ 8.3 პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ნაკლის აღმოსაფხვრელად და მოსთხოვოს შემსრულებელს შესაბამისი ხარჯების ანაზღაურება.

მუხლი 9. ხელშეკრულებაში ცვლილებების შეტანა და ხელშეკრულების შეტანა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის.

9.3 ხელშეკრულება შეიძლება შეწყდეს;

ა) მხარეთა ინიციატივით

ბ) თუ შემსრულებლის მიმართ დაიწყება გადახდისუუნარობის საქმის წარმოება;

გ) საქართველოს კანონმდებლობით გათვალისწინებულ სხვა შემთხვევებში.

მუხლი 10. დავები, მათი გადაწყვეტის წესი და გამოსაყენებელი სამართალი ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს მოქმედი კანონმდებლობის შესაბამისად.

მუხლი 11. ხელშეკრულების მოქმედების ვადა

ხელშეკრულება ძალაში შედის მხარეთა ხელმოწერის დღიდან და მოქმედებს 2013 წლის 11 აგვისტოს ჩათვლით.

მუხლი 12. სხვა პირობები

12.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.2 მესამე პირთან ურთიერთობაში მხარეები მოქმედებენ თავიაანთი სახელით, თანხებით და რისკით.

შემსყიდველი:

სსიპ გორის მუნიციპალიტეტის
სოფელ ოთაშენის საჯარო სკოლის
დირექტორის მ/შ:
გრიგოლ მუმლაძე
ს/კ 218048299
სს „ლიბერთი ბანკი“;
კოდი LBRTGE22
ა/ა GE37LB0121155148238000

მიმწოდებელი:

არქიტექტურული სტუდია
ი. მ. ქეთევან დიმიტრიადი
ს/კ 59001027928
სს „პროკრედიტ ბანკი“
კოდი MIBGGE22
ა/ა GE 82PC0143600100031912
მის. ქ. გორი, პუშკინის ქ. #39

